



Komisija za očuvanje nacionalnih spomenika, na osnovu člana V stav 4. Aneksa 8. Općeg okvirnog sporazuma za mir u Bosni i Hercegovini i člana 39. stav 1. Poslovnika o radu Komisije za očuvanje nacionalnih spomenika, na sjednici održanoj od 15. do 21. marta 2005. godine donijela je

ODLUKU

I.

Graditeljska cjelina – **Bijela džamija (džamija Divan katiba Hajdara) u Sarajevu** proglašava se nacionalnim spomenikom Bosne i Hercegovine (u daljem tekstu: nacionalni spomenik).

Nacionalni spomenik čine: džamija, zgrada mekteba, česma i harem sa turbetom.

Nacionalni spomenik se nalazi na lokaciji označenoj kao k.č. broj 2603 (novi premjer), što odgovara k.č. br. 1, 2 i 3, mahala XCIII – Sarajevo (stari premjer), upisan u posjedovni list broj 2246, z.k. uložak br. XCIII/12 i XCIII /52 k.o. Sarajevo II, Općina Stari Grad - Sarajevo, Federacija Bosne i Hercegovine, Bosna i Hercegovina.

Na nacionalni spomenik se primjenjuju mjere zaštite utvrđene Zakonom o provođenju odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u Bosni i Hercegovini ("Službene novine Federacije BiH" br. 2/02, 27/02 i 6/04).

II.

Vlada Federacije Bosne i Hercegovine (u daljem tekstu: Vlada Federacije) dužna je osigurati pravne, naučne, tehničke, administrativne i finansijske mjere za zaštitu, konzervaciju i prezentaciju nacionalnog spomenika.

Komisija za očuvanje nacionalnih spomenika (u daljem tekstu: Komisija) utvrdit će tehničke uvjete i osigurati finansijska sredstva za izradu i postavljanje informacione table sa osnovnim podacima o spomeniku i odluci o proglašenju dobra nacionalnim spomenikom.

III.

S ciljem trajne zaštite nacionalnog spomenika, utvrđuju se sljedeće mjere zaštite koje se odnose na prostor definiran u tački I stav 3. ove odluke:

- dopušteni su samo konzervatorsko-restauratorski radovi, uključujući i radove čiji je cilj prezentacija nacionalnog spomenika, uz odobrenje federalnog ministarstva nadležnog za prostorno uređenje i stručni nadzor nadležne službe zaštite naslijeđa na nivou Federacije Bosne i Hercegovine;
- prilikom radova na restauraciji i konzervaciji objekta neophodno je sačuvati izvorni izgled objekta uz korištenje izvornih materijala, primjenjujući izvorne metode obrade materijala i njihove ugradnje;

- na svim susjednim parcelama koje graniče sa zaštićenim prostorom dopušta se sanacija i adaptacija postojećih objekata uz zadržavanje postojećih gabaritnih dimenzija i visina (svi objekti na kojim se vrše radovi sanacije i adaptacije moraju poštivati građevinsku liniju susjednih objekata i u prizemlju i na spratovima); mjerilom i koloritom objekti ne smiju odudarati od objekata sa ambijentalnim vrijednostima.

S ciljem trajne zaštite nacionalnog spomenika, potrebno je izvršiti tehničko snimanje objekta i nakon toga izraditi projekt konzervatorsko-restauratorskih radova koji će obuhvatiti:

- konstruktivnu sanaciju krovne konstrukcije koja uključuje izmjenu postojećeg krovnog pokrivača;
- konzervatorsko-restauratorske radove na sofama džamije uz korištenje izvornih materijala i tehnika (obrada drveta, način vezivanja elemenata konstrukcije, upotreba tradicionalnih veznih sredstava);
- uklanjanje sa objekta svih elemenata koji znatno narušavaju njegovu autentičnost i koji nisu urađeni u skladu sa principima konzervacije i restauracije;
- odstranjivanje kapilarne vlage iz zidova objekta;
- izradu i provođenje programa prezentacije nacionalnog spomenika;
- izradu i provođenje projekta elektroiluminacije nacionalnog spomenika.

IV.

Stavljaju se izvan snage svi provedbeni i razvojni prostorno-planski akti koji su u suprotnosti sa odredbama ove odluke.

V.

Svako a posebno nadležni organi Federacije Bosne i Hercegovine, kantona, gradske i općinske službe suzdržat će se od preduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu i konzervaciju.

VI.

Ova odluka dostavit će se Vladi Federacije, federalnom ministarstvu nadležnom za prostorno uređenje, nadležnoj službi zaštite naslijeđa na nivou Federacije Bosne i Hercegovine i općinskom organu uprave nadležnom za poslove urbanizma i katastra radi provođenja mjera utvrđenih u tač. II - V ove odluke i nadležnom općinskom sudu radi upisa u zemljišne knjige.

VII.

Sastavni dio ove odluke je obrazloženje sa pratećom dokumentacijom koje je dostupno na uvid zainteresiranim licima u prostorijama i na web-stranici Komisije (<http://www.aneks8komisija.com.ba>).

VIII.

Prema članu V stav 4. Aneksa 8. Općeg okvirnog sporazuma za mir u Bosni i Hercegovini, odluke Komisije su konačne.

IX.

Danom donošenja ove odluke briše se sa Privremene liste nacionalnih spomenika Bosne i Hercegovine («Službeni glasnik BiH» broj 33/02, «Službeni glasnik Republike Srpske» broj 79/02, «Službene novine Federacije BiH» broj 59/02 i «Službeni glasnik Brčko Distrikta BiH» broj 4/03) nacionalni spomenik upisan pod rednim brojem 536.

X.

Ova odluka stupa na snagu danom donošenja i objavit će se u «Službenom glasniku BiH».

Ovu odluku Komisija je donijela u sljedećem sastavu: Zeynep Ahunbay, Amra Hadžimuhamedović, Dubravko Lovrenović, Ljiljana Ševo i Tina Wik.

Broj: 07.2-2-21/05-4
15. marta 2005. godine
Sarajevo

Predsjedavajuća Komisije

Amra Hadžimuhamedović

